

SDA demantuje Evropski univerzitet u Brčkom

Ponedjeljak, 04 April 2016 15:28 Autor **EBrcko** Kategorija: Vijesti Brčko



Odbor SDA Brčko distrikta BiH koristi ovu priliku da demantuje da je Sead Šadić „suvlasnik portala Infobrčko.com“ kako piše u javno objavljenoj krivičnoj prijavi Evropskog univerziteta iz Brčkog.

U tekstu su iznesene grube neistine, čitav niz insinucija, nestitih tvrdnji, podmetanja, u vezi statusa Seada Šadića, savjetnika gradonačelnika Brčko distrikta BiH i predsjednika mladih SDA Brčko.

Naime, Sead Šadić je savjetnik gradonačelnika Brčko distrikta BiH za rad i radne odnose i IT tehnologije, a ne savjetnik za obrazovanje kao što je navedeno.

Također, Sead Šadić je predsjednik Asocijacije mladih SDA Brčko distrikta BiH i član Predsjedništva Asocijacije mladih SDA BiH.

U konkretnom slučaju, krajnje se zloupotrebljavaju medijske slobode na internetu što se reflektuje na ovu lokalnu zajednicu kao uređeno demokratsko društvo.

Isto tako, ovakvi i slični tekstovi štete ugledu ove lokalne zajednice u cjelini.

Osobito je opasno i društveno neprihvatljivo javno objavljivanje ličnih podataka osoba direktno kršeći zakon, zanemarujući presumpciju nevinosti, sa tvrdnjama da su vlasnici određenih portala, bez bilo kakvog materijalnog dokaza, a sve to zloupotrebljavajući slobodu izražavanja u demokratskom društvu.

Molimo nadležne organe da poduzme sve mjere i radnje kako bi zaštitile novinarske slobode i sloboda mišljenja zagaranтовana Ustavom Bosne i Hercegovine, izvršioци ovih nezakonitih postupanja kažnjivih u skladu sa zakonom, te zaustavilo iznošenje lažnih vijesti, glasina ili tvrdnji, a zatim i prenošenje putem interneta.

Odbor SDA Brčko distrikta BiH podržava slobodu medija i njihovu nezavisnost.

**Predsjednik Asocijacije mladih SDA Brčko distrikta BiH
Sead Šadić**

**Predsjednik Odbora SDA Brčko distrikta BiH
Esed Kadrić**